



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2132. Kurfürst Johann beleihet die Gebrüder Fuchs mit Krieschkow und
Antheilen an Lieskau im Lande Kottbus, am 27. September 1486.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

werck vor vnser Statt Cothbus gancz mit sampt den wifen, auch einen freyen hoff dafelbs jn vnser Statt Cothbus, auch Sechs Scheffell korns vff der hufen zins, die gelegen ist an der Sylischer Strasse vnd Grenicz mit hans von zabelticz vorwercke. Also haben wir angelehen seine fleißige bete getrewe willige vnd annehme dinste, die er vns vnd vnser herchaft ofte vnd dicke zu danck getan hat, teglich thut vnd hinfur woll thun soll vnd kann vnd auch von besunder gnad wegen haben wir den genanten Margreten vnd Angnifen seinen tochtren Solche vorbestympte guter jerliche Zins vnd Rente mit allen gnaden, freyheiten, gerechtigkeiten vnd zugehorungen, jn massen die der genant Sigmundt von dem Berge noch von vns zu lehn jne hat, besiczt vnd gebraucht, zu rechtem knechteln gnediglich verlihen haben vnd leyhen jn die also zu rechtem knechteln jn craft vnd macht dieses briues Also wenn der genant Sigmundt von dem Berge, jr vater, one Menlich leibs lehns erben todshalben abgeen wirdt, das sie denn solche guter jerliche zins vnd Rent von vns vnsern erben vnd nachkomen zu knechteln jn haben nehmen vnd entpfæen, vns auch dauon haltten thun vnd dinen sollen, als knechtslehen recht vnd gewonheit ist. Wir verleyhen jn auch daran alles, was wir jn von rechts wegeu daran verleyhen sollen vnd mogen, doch vns vnsern erben vnd nachkomen an vnser vnd sunft einem idermann an seinem rechten onshedlich. Zu vrkundt etc. Actum am Mitwochen nach Mauritii jm LXXXVI^{ten}.

Nach dem Kurlm. Lehn-Copialbuche d. R. Geh. Kab. Archivs XXIX, 39.

2132. Kurfürst Johann beleihet die Gebrüder Fuchs mit Frieschow und Anthsilen an Lieskau im Lande Kottbus, am 27. September 1486.

Wir Johans etc. Bekennen vnd thun kunt offentlich mit diesem vnserm briue vor vns vnser erben vnd nachkomen Marggrauen zu Brandenburg vnd sunft vor Allermeniglich, Das wir vnsern lieben getrewen Jorgen, Bernt, Cristoff vnd Caspar, gebrudern, die von Syueritz, anders die Fuchs genant, vnd jren menlichen leibs lehns erben zw Criszkow zu rechtem manlehn vnd gesambter hant gnediglich gelihen haben dise hirnach geschriben guter, jerlich Zins vnd Rent, Nemlich das dorff Crischow mitt einem sitz vnd aller zugehorung obersten vnd nydersten gericht, strafenrecht, Mollen, Molteichen, Deichen vnd deichteten, holczungen, wassern, wischen, wifen, waiden vnd allen andern zinsen vnd renten, nuczungen vnd zugehorungen nichts nicht aufzgenomen, wie es jn seinen vir grenitzen vnd Refiren gelegen ist, das Dorff Eichen die helst mit obersten vnd nidersten gericht, zinsen vnd renten vnd das gericht jm dorff Liskow, auch etlich zins vnd rent dafelbs mit allen gnaden, jn masen sie vnd ire eltern vormals von vnser herchaft zu rechtem manlehn vnd gesambter hant entpfangen vnd gehabt haben vnd leyhen jne die jn craft vnd macht dieses

briues, in mafen wie hirnach volgt vnd also, Das Jorg vnd Bernt Fuchs gebruder vnd ire menlich leibs lehns erben das dorff Crifchow vnd den siez auch mit aller nuczung vnd zugehorungen vnd zwen teil an dem dorff Lifzkow von folchem gut des gericht vnd zinsen wie obenberurt vnd die genannten Cristoff vnd Caspar Fuchs gebruder vnd jr menlich leibs lehens erben das dorff Eichen vnd auch zwen teil an dem gericht vnd zinsen in dorff lifzkow mit allen nuczungen vnd zugehorungen wie obenberurt von vns vnd vnser herschaft zu rechtem manlehn vnd gesampter hant haben besiezen vnd so oft vnd dick des noth ist die entpfaen, vns auch darvon thun vnd dynen sollen, als folcher lehn recht vnd gewonheit ist: vnd ob sach wer, das Jorg vnd Bernt Fuchs on Menlich leibs lehens erben abgeen würden, so soll Alzden jr teil wie obenberurt an den andern bruder, vnd nicht an Cristoff vnd Caspar jre bruder komen. Wo sie aber beide one leibs lehns erben abgeen wurden, soll es alzdann an die andern bruder fallen. Wurd aber Cristoff oder Caspar jr einer auch on Menlich leibs lehns erben abgeen, So sollen jre guter zur Eichen vnd Lifzkow an den andern bruder fallen, vnd wo sie beide on menliche leibs lehns erben abgeen wurden, Soll es alzdann an Jorgen vnd Bernten jre bruder oder jre menliche leibs lehns erben komen vnd fallen, Als sie folcher teylung vnter sich selbs vertragen haben. Wir verleyhen jne hiran alles was wir jne von rechts wegen daran verleihen sollen vnd mogen, haben jne auch die sunderliche gunst vnd gnad getan, das in solche teylung der lehnguter gesündert rauch vnd brot vnschedlich sein soll, Doch vns vnsern erben vnd herschaft an vnsern vnd sunst yederman an seinem rechten on schaden. Zu vrkunt etc. Actum am Mitwoch nach Mawritii im LXXXVI^{ten}.

Nach dem Kurmärk. Lehns-Copialbuche des R. Geh. Rab.-Archivs XXIX, 36.

2133. Lehnserneuerung für die Duceis zu Kottbus und Gersdorf, vom 28. September 1486.

Wir Johannis, von gotts gnaden Marggraue zu Brandenburg, des heyligen Romischen reichs Erzcamerer vnd Churfurst etc. Bekennen vnd thun kunt offenlich mit diesem briue vor vns vnser erben vnd nachkomen Marggrauen zu Brandenburg vnd sunst vor allermeniglich, das wir vnsern lieben getrewen hansen zu Cotbus, Jorgen, heinrichen vnd Cristoff zu Gerstorff gebrudern, die Qweis genant, alle vnd igliche ire lehn guter, so sie von vnsern lieben herrn vnd vater loblicher gedechtnus zu lehn gehabt, zu rechtem manlehn vnd gesampter hant gnediglich gelihen haben vnd leyhen dem genanten Qweisen vnd iren menlichen leibs lehns erben solche ire guter zu rechtem manlehn vnd gesampter hant in craft und macht dits briues vnd Also das sie vnd ire menlich leibs lehns erben dieselbe guter forder mehr von vns vnd der Marggraueschaft zu Brandenburg zu rechtem manlehn haben, So oft vnd dick des not sein wirt nehmen vnd entpfaen, vns auch daon